

孟子分类纂注

(一)

王伟侠编著

中华文化出版事业社出版

現代國民基本知識叢書 第一輯

孟子
分類纂注
(一)

王偉俠 編著

現代國民基本知識叢書 第一輯

孟子分類纂注 (一)

中華民國四十二年六月初版
中華民國四十九年十月三版
中華民國五十七年八月四版

實價新臺幣二十七元整
(外埠酌加運費滙費)

編著者 王偉

出版者 中華文化出版事業社
發行者 中華文化出版事業社

印刷者 中國文化學院印刷廠

總經售處 聯合出版服務中心

華岡書局

地址：臺北市中山北路二段一七四號
電話：五五九四八四號
地址：臺北市陽明山華岡
電話：八八六一四二號

版權所有
不許翻印

例 言

一、本書分上下二編。上編緒論，述孟子生平，及其學術思想，下編爲本文分類。

二、孟子之游踪年籍等，每爲後世學者所聚訟，清儒周廣業，閻若璩諸氏，考之綦詳。本書上編第二章各節，參閱羣書，折中諸說，暫作假定，非敢自以爲是，亦敬以待當世學者之教正云爾。

三、孟子本文，敘述數十年之行事，記載數十人之問答，原非輯自一時，出自一手。其編述次第，趙岐孟子篇敘，雖曾有所發明；然隨事立論，旨趣各別，究非有系統之敘述。本書下編各節，試就學術思想分章，貫散成統，俾學者於先聖指務，便於心承。

四、本文七篇，各分上下，共二百六十章。本書分類新輯，次序雖多變更，章數則仍其舊，並於章末，注明原書篇名章次，以便查對。

五、新輯而後，以類相從。各章意旨，已自可見，惟趙岐朱熹二注，每章多有隱括大旨之解說，茲並附列，藉明旨趣。間有編者自加管見之處，則加按語，並加○以別之。

六、本文分章，間有通章而意義轉貫者，均予合併，章指注釋，亦均併列。惟各章之末，仍注篇名章次，以符原數。其「吾黨之士狂簡」一章，顯有錯簡，并依俞樾古書疑義舉例，予

以改正。

七、本書注釋，以趙注朱注爲主，清儒焦循，依趙注爲正義，亦博亦精。此外如宋翔鳳趙注補正，釋地辨證，閻若璩四書釋地，毛奇齡四書賸言，蔣仁榮孟子音義考證，翟灝四書考異，周廣業孟子四考等，均爲注釋參考所本。其有異同者，並錄折衷之，以俟明教。

八、本書注釋，均以號次附注本文之旁，以便查閱。

九、本文片言單句，有非依類分章，所可附入者，別爲嘉言一章，以資概括無遺，仍標明旨趣，注釋，以便閱讀。

十、編者才識淺陋，違闕所不能免，至懇當世學人，多所匡正，幸甚幸甚。

孟子分類纂注目次

上編 緒論

第一章 前言……………一

第二章 孟子事略……………六

第三章 著述考證……………二四

第四章 孟子之學術思想……………三六

下編 本文分類

第五章 論性善……………六一

第六章	論政治·····	一一二
-----	----------	-----

第七章	論教育·····	一三三
-----	----------	-----

第八章	論行爲·····	二五八
-----	----------	-----

第九章	嘉言·····	三八一
-----	---------	-----

孟子分類纂注（目次）

上編 緒論

第一章 前言……………一

第二章 孟子事略……………六

第一節 本傳……………六

第二節 先世……………一〇

第三節 年籍……………一四

第四節 師弟……………一九

第三章 著述考證……………二四

第一節 七篇……………二四

第二節	外書逸文	二八
-----	------	----

第四章	孟子之學術思想	三六
-----	---------	----

第一節	中心學說 (性善)	三六
-----	--------------------------	----

第二節	政治哲學	四一
-----	------	----

第三節	教育哲學	四六
-----	------	----

第四節	行為哲學	五二
-----	------	----

下編 本文分類

第五章	論性善	六一
-----	-----	----

第一節	順性 (凡六章)	六一
-----	-------------------------	----

第二節	善端 (凡八章)	七三
-----	-------------------------	----

第三節	存養	(凡十 五章)		八
-----	----	------------	-------	---

第四節	理欲	(凡十 一章)		一〇六
-----	----	------------	-------	-----

第六章	論政治		一三
-----	-----	-------	----

第一節	輕君	(凡十 章)		一三
-----	----	-----------	-------	----

第二節	保民	(凡十 九章)		一三四
-----	----	------------	-------	-----

第三節	因先	(凡二十 二章)		一五八
-----	----	-------------	-------	-----

第四節	尊賢	(凡十 六章)		二〇一
-----	----	------------	-------	-----

第五節	非戰	(凡十 三章)		二三〇
-----	----	------------	-------	-----

孟子分類纂注

上編

緒論

第一章 前言

學術思想者，歸納人類生存之經驗與生產之技能，而演繹爲若干原理與方法，以因應人世間無窮事物之無窮變化者也。人類生活之形態，不外勞力與勞心二者。初民穴處巢居，茹毛飲血，勞力而外，鮮所勞心。其焦慮者，惟鳥獸之逼人，與夫天災之爲患，充其極不過感於神力之偉大莫測，與物力之頑強難制，於是敬神拜物，冀求免害，略具宗教之意識，初無所謂學術思想也。

迨至生存經驗，積久愈豐，人類生殖，愈益繁衍，生活領域，有不得不再求開發者；才智之士，遂試以其經驗所得，思想所及，以人力與天然競爭，役物力以爲人用。學術思想，乃由此一念而漸次發展，然後漁牧耕稼之事興，氏族部落之形著。而此才智之士，乃亦憑藉其卓越天才，驅策羣衆，而爲之君長。蓋學術思想家者，既已顯示其卓越之才智，獲得人類生存之較

高效果，而爲羣情所擁戴；於是益思運用才智，以使社會組織更趨完密，生活更趨安定，生產愈益增加，文化愈益進步，俾獲得人類生活之更高價值。於是收效愈宏，歸心愈衆，嚮時神物崇拜之習，遂進而爲人之崇拜；是故先民中之學術思想家，不爲君主，則爲良輔，堯舜禹稷，其顯例也。

然以當時社會組織既甚簡單，人民生活亦尙儉樸，王者開物成務之大業，惟在明人倫足衣食，一切學術思想之進展，亦不復逾此途徑。洎乎周道衰微，王綱不振，王官世職，不復守成，人口過剩，土地分配之制度，無法維持，社會經濟，遂趨崩潰。兼以社會組織破壞，豪強兼併之風熾，而社會暴亂之禍作矣。蓋人類生活，往往受環境之影響，而人類思想，復往往爲生活之反映。當此之時，政治黑暗，由上古部落酋長蛻化而成之封建制度，沿襲已二千餘年，至此已漸趨消滅；與有連帶關係之世官世祿制度，亦隨同崩潰，無論在社會上經濟上均爲有史以來劇烈之變動。人民生活，受環境之影響，困苦異常，而各國分立，言論自由，才智之士，遂各以其經驗思想之所得，主張更化，以救世救民，而又所見不同，乃入主出奴，互相辯難，所謂學術思想者，蠡起一時，或一脈相傳，或枝派旁衍，而有十家九流之別。司馬談謂「夫陰陽、儒、墨、名、法、道德，此務爲治者也」。是其立說之動機，未嘗不欲使社會趨於安定，政治趨於開明，而人類生存之愈有價值也。惜皆不在其位，徒託空言，而雜說並陳，或則儉而難

遵，或則苛察繳繞，或則嚴而寡恩，或則詭幻荒誕；惟儒家之思想，在於明人倫，重實際，尙自強，崇正義，以人治與治人爲範圍。人治之要，爲知人知天，成己成物，曰「仁」與「智」也。治人之要，爲正心誠意，修齊治平，曰「禮」與「義」也。與道家之主虛無，返自然者不同；與名法諸家之急功利，尊名法者，亦自有異。以自我之充實，求生民之福利，其態度則爲「天人合一」，「執兩用中」，與吾國情民性，最爲適合；其影響於吾國社會文化者，亦爲最大，故言吾國之學術思想，實當以儒家爲正宗，亦當以儒家爲代表。

儒家自孔子而後，據韓非子所云；有子張之儒，子思之儒，顏氏之儒，孟氏之儒，漆雕氏之儒，仲良氏之儒，孫氏之儒，樂正氏之儒；其所謂孫氏者，殆卽孫卿荀子。實則上列八儒，於戰國之際，孟荀而外，多已湮沒不彰，且子思爲孟學之所從出，是儒家之學，孟荀而外，亦無可述者。顧孟荀雖同爲儒家大師，而其學術思想，殊相背謬。蓋荀子主性惡，法後王，尊君抑民，不惟爲李斯等干祿之具，亦且大爲專制君權張目。而孟子則道性善，稱堯舜，輕君重民，以堯舜天下爲公之心，行禹稷己飢己溺之志，明王霸之別，嚴義利之辨，重自我之發展，以天下爲己任。觀其所謂「富貴不能淫，貧賤不能移，威武不能屈，此之謂大丈夫」，固見其自我精神之堅毅，而「聞誅一夫紂矣，未聞弑君也」，「民爲貴，社稷次之，君爲輕」，「君之視臣如土芥，則臣視君如寇仇」諸語，尤見其民本政治思想之超卓。至其立言之嚴正，更非阿

世干祿者所敢道及。李斯韓非，皆荀子之徒，而皆爲法家之大師，蓋皆受荀子狹義功利主義之教。蘇子瞻云：「觀荀卿之書，然後知李斯之所以事秦者，皆出於荀卿而不足怪」。蘇氏之言，僅慨於李斯之禍秦，若夫自漢而後，人君利用尊君抑民之說，橫施暴虐，使儒家「天下爲公」「選賢與能」之正宗學術思想，不能實現者，皆荀卿禍之也。是則孔子而後，言儒家之學術思想者，又當以孟子爲正宗，亦當以孟子爲代表。

韓昌黎曰：「堯以是傳之舜，舜以是傳之禹，禹以是傳之湯，湯以是傳之文武周公，文武周公傳之孔子，孔子傳之孟軻，軻之死不得其傳焉。荀與楊也，擇焉而不精，語焉而不詳」。推崇孟子，可謂至矣！夫孟子挺名世之才，承聖人之緒，崇正道，闢異端，旨正言瞻，高視千古，性善養氣諸說，發先聖之所未發，輕君重民之論，導後世民主先河，其胸襟抱負，誠有非其他儒者所可比擬。至若文章之美，言詞之辯，更其餘事。然則孟子七篇，誠吾人所必讀者矣。讀書論世，孟子之遺訓也。博稽旁證，去取然疑，使先哲行藏，益爲明著，或亦後學之責任。用於講讀之餘，編次傳略，先世，年籍，師弟，著作等，并略考證，俾爲知人之一助。至七篇大體，皆爲記言記事析疑答問之作，就一時一地之言行，分列章句，初於整個之學術思想，未爲連貫之記載，學者遂不易徹曉其思想之體系；因亦試爲分類，以性善，論政，教育，行誼爲綱，此外吉光片羽，無可屬者，則別爲嘉言一章，附麗於後，務使先哲名言，不稍遺漏。而

於每篇之旨趣字義，亦詳予注釋，其目的在於揭櫫孟學精神之所在，以喚起民本主義之再生，擴充自我之發展，以挽救人心之陷溺，亦以見儒家思想之適合我國國情，而國父三民主義之所以直紹孔孟心傳者，殆有由也。若夫七篇內容，原爲明道之言，自未可區區以筆法求之，然孟子之文，浩乎霏然，所謂「神渾則氣灝，神偉則氣高」者也。而其敘事之簡要，說理之明徹，引喻之精闢，答問辯難之能立能破，極辯論之能事，亦集文成法立之大成，倘使讀者能藉此而得爲立德立功立言之助，則割裂聖經之罪，或尙爲孟子所曲諒歟？惟是編者學殖荒蕪，僑居旅食，參考書籍，尤多不備，挂漏之處，必所難免，尙祈讀者，有以教之。

第二章 孟子事略

第一節 本傳

史記有孟子荀卿列傳，其首段傳孟子曰：

「太史公曰：『余讀孟子書，至梁惠王問何以利吾國，未嘗不廢書而歎也。曰：嗟乎！利，誠亂之始也。夫子罕言利者，常防其原也。故曰「放於利而行，多怨」。自天子至於庶人，好利之弊，何以異哉！』孟軻，騶人也。受業子思之門人，道既通，游事齊宣王，宣王不能用；適梁，梁惠王不果所言；則見以爲迂遠而濶於事情。當是之時，秦用商君，富國強兵；楚魏用吳起，戰勝弱敵；齊威王宣王，用孫子田忌之徒，而諸侯東面朝齊。天下方務於合從連橫，以攻伐爲賢，而孟軻乃述唐虞三代之德，是以所如者不合。退而與萬章之徒，序詩書，述仲尼之意，作孟子七篇」。

全文計二百零八字。而自「太史公曰」至「何以異哉」，爲司馬氏自發之議論；自「當是之時」至「以攻伐爲賢」，則述當時情勢。去此二段共一百二十五字，其述孟子之事略者，僅八十三字耳，簡亦甚矣。然於孟子之里居師授，遊歷先後，著述大旨，則已賅舉，惟生卒出處

年月，傳中不詳，遂爲後人所聚訟。而不詳其字，亦啓後人附會之機，殆皆過簡之故。後世學人考孟子生平者綦衆，尤以閻若璩之孟子生卒年月考，周廣業之孟子四考爲著，主以七篇，旁徵各說，多有足爲本傳補充者。除先世，年籍，師弟，各節，另予考證外，茲再略述平生，未始非論世知人之一助云。

孟子，名軻，字則未聞也。孔叢子始云字子車，一作子居，又稱子輿，疑其皆出附會，蓋經史不傳，佚已久矣。其先出自魯公族孟孫氏，不知何時分適鄒，遂爲鄒人。生於周安王十七年丙申，公元前三八五年，幼受慈母義方之訓。鄒魯密邇，居近聖人之鄉，敦澤所被，不啻見而知之。故嘗曰：「予未得爲孔子徒也，予私淑諸人也」。又曰：「乃所願則學孔子也」。受業子思之門人，通五經，尤長於詩書，卒成天下之名儒。四十前設教授徒，其仕，自鄒始也。時方隱居樂道，穆公舉之爲士，孟子乃傳贊爲臣，得見穆公；會鄒與魯鬪，有司多死者，公問如何而可？孟子勉以行仁政。嗣以鄒不能大用，乃遊於齊。

過平陸，與大夫孔距心善，時天下地醜德齊，士尚游說，孟子名聞諸侯，齊相儲子以幣交，且言於宣王，王疑其有異，使人問之，而孟子終守不爲臣不見之義。旣而王求見益亟，乃由平陸之齊，三見王而未嘗言事。適從胡訖聞易牛之事，曰：是心可以王矣。他日王問桓文，孟子因語以王道。雖宣王不能用，而敬禮有加，奉爲賓師，班視列大夫，時年蓋五十餘矣。在齊